



Broj: T18 0 KTPO 0018274 25
Brčko, 11.07.2025. godine

Optužnica potvrđena dana: 22.07.2025.godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

N. D., zv. „N...“, rođen 1995. godine u Maoči,

Što je:

U periodu od 07.10.2024. godine do 29.10.2024. godine, u Maoči, zaposlen na radnom mjestu poštari u pošti „JP BH Pošta“ d.o.o. Sarajevo, nezakonito raspolagao novčanim sredstvima društva, svjestan svoje obveze da je dužan da pravilno razduži zaprimljeni novac i svjestan da nepravilnim razduživanjem tog novca i ne uplaćivanjem novčanih sredstava stvarnim primaocima pribavlja sebi protivpravnu imovinsku korist, a oštećuje JP BH Pošte d.o.o. Sarajevo, što je i htio, pa je tako:

1. Dana 07.10.2024. godine zadužio novac u iznosu od 1.138,00 KM i istog dana se nepravilno razdužio, neovlašteno svojeručno potpisao PIO uplatnice za mjesec septembar 2024. godine umjesto primaoca M. N. u iznosu od 568,00 KM i I. B. u iznosu od 570,00 KM, koji je iznos u ukupnoj vrijednosti od 1.138,00 KM zadržao za sebe, svjestan da takvim radnjama pribavlja sebi protupravnu imovinsku korist što je i htio,
2. Dana 08.10.2024. godine zadužio novac u iznosu od 15,00 KM i istog dana se nepravilno razdužio, neovlašteno svojeručno potpisao PIO uplatnicu za mjesec septembar 2024. godine umjesto primaoca F.M., koji iznos je zadržao za sebe, svjestan da takvim radnjama pribavlja sebi protupravnu imovinsku korist što je i htio,
3. Dana 08.10.2024. godine zadužio novac u iznosu od 458,00 KM (RS uplatnice) i istog dana se nepravilno razdužio, neovlašteno svojeručno potpisao RS uplatnice umjesto korisnika N. K., Š. S., S. J. i F. A., koji je iznos u ukupnoj vrijednosti od 458,00 KM zadržao za sebe, svjestan da takvim radnjama pribavlja sebi protupravnu imovinsku korist što je i htio,
4. Dana 09.10.2024. godine zadužio novac u iznosu od 2.047,50 KM (RS uplatnice) i istog dana se nepravilno razdužio, neovlašteno svojeručno potpisao RS uplatnice umjesto korisnika, te iznos od 2.047,50 KM zadržao za sebe, svjestan da takvim radnjama pribavlja sebi protupravnu imovinsku korist što je i htio, te istog dana zadužio novac i PIO uplatnicu na ime S. P., pa iznos od 981,00 KM zadržao za sebe,
5. Dana 11.10.2024. godine zadužio novac u iznosu od 1.070,00 KM za BH PostExpress uplatnice na ime A. H., neovlašteno svojeručno potpisao BH PostExpress uplatnice umjesto korisnika A. H. u ukupnom iznosu od 1.070,00 KM, te se netačno razdužio lažno prikazujući da je novac od uplatnica predao primaocu A. H., nego je isti zadržao za sebe, svjestan da takvim radnjama pribavlja sebi protupravnu imovinsku korist što je i htio,
6. Dana 17.10.2024. godine zadužio novac naznačen za S. Z. iznos od 100,00 KM, A. S. iznos od 100,00 KM, F. S. iznos od 100,00 KM i A. R. iznos od 150,00 KM (uplatnice stipendije), te se istog dana

nepravilno razdužio, pa novac u ukupnom iznosu od 450,00 KM zadržao za sebe, svjestan da takvim radnjama pribavlja sebi protupravnu imovinsku korist što je i htio,

7. Dana 25.10.2024. godine zadužio i uručio tri otkupne pošiljke (J. O 91,50 KM, M. K. 339,75 KM i R. K. 152,20 KM) u ukupnom iznosu od 583,45 KM, pa korisnicima predao samo pošiljke, a novac u ukupnom iznosu od 583,45 KM zadržao za sebe, svjestan da takvim radnjama pribavlja sebi protupravnu imovinsku korist što je i htio,
8. Dana 28.10.2024. godine zadužio i uručio dvije otkupne pošiljke (N. Z. iznos 152,20 KM i J. O. 50,00 KM) u ukupnom iznosu od 202,20 KM, pa korisnicima predao samo pošiljke, a novac u ukupnom iznosu od 202,20 KM zadržao za sebe, svjestan da takvim radnjama pribavlja sebi protupravnu imovinsku korist što je i htio i
9. Dana 29.10.2024. godine zadužio i uručio tri otkupne pošiljke (M. A. 35,00 KM, A.a H. 54,00 KM i E. Z. 25,00 KM) u ukupnom iznosu od 114,00 KM, pa korisnicima predao samo pošiljke, a novac u ukupnom iznosu od 114,00 KM zadržao za sebe, svjestan da takvim radnjama pribavlja sebi protupravnu imovinsku korist što je i htio,

čime je sebi pribavio protivpravnu imovinsku korist u ukupnom iznosu od 7.059,15 KM, za koji iznos je ošteti poduzeće JP BH Pošte d.o.o. Sarajevo,

dakle, protivpravno prisvojio novac koji mu je bio povjeren u pravnom licu,

čime je počinio krivično djelo - Pronevjera - iz člana 378 stav (1) Krivičnog zakona Brčko distrikta Bosne i Hercegovine.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
